

# PAPPEGOAI LORRE

vogel Lorre vloog hail hoog  
op n dag tot hail aan regenboog  
dat is n groot en schier gerdien  
en moakt van regen en wat zunschien  
bovenste boog is wied en groot  
Lorre mos stoppen want kleur was rood  
doaronder was boan knal-oranje  
net as goldvizen, dij dikke kanjers  
dou hipte hai op t glinne geel  
dat kwam as zunschien op hom deel  
mor waar was nou t gruïn wel bleven?  
doarzunder kin gainain ja leven?  
blaauw wer dou kleur van t zummerweer  
van lucht en zee en Lorre zien veer  
mor din zigt hai n wat vremde kleur  
nait rood of blaauw mor der tussendeur

leste kleur is daiprood-sangen  
en doar blift Lorre n zetje hangen...  
gruïne boog was morzo verswonden  
en toch het vogel hom weer vonden  
want dou hai t laand beneden zaag  
was e votdoadelk haildal van slag  
bomen stonden volop te bliuen  
en t gruïne gras bleef aal mor gruïen  
Lorre lait hom gaauw omdeel zakken  
en kreeg zo ook gruïne kleur te pakken  
vogel Lorre vloog hail hoog  
op n dag tot hail aan regenboog  
dat is n groot en schier gerdien  
en moakt van regen en wat zunschien

*Kunny Luchtenberg*

